



Sermon  
Kxf. Dr. Numlaajtsheb Yaaj

**“Yuav Muab Sawvdaws Cais”**

Last Sunday of the Church Year  
St. Michael and Our Savior Lutheran Church  
11-22-20

Thov txoj koobhmoov, txojkev hlub, thiab txojkev haumxeeb pub rau peb sawvdaws los ntawm Vajtswv uas yog peb Leejtxiv uas yog peb tus Cawmseej Tswv Yexus Khetos. Asmees.

**Mathais 25:31-33**, “When the Son of Man comes in his glory, and all the angels with him, then he will sit on his glorious throne. Before him will be gathered all the nations, and he will separate people one from another as a shepherd separates the sheep from the goats. And he will place the sheep on his right, but the goats on the left – *Thaum tibneeg Leejtub los ua Vajntxwv, tagnrho cov timtswv ceebtsheej yuav nrog nws los, thiab nws yuav zaum saum nws lub zwmtxwv uas ci ntsa iab. Txhua haivneeg hauv qabntuj yuav tuaj sib sau uake rau ntawm nws xubntiag, thiab nws yuav muab sawvdaws cais ua ob pab, ib yam li tus tswv yug yaj muab pab yaj cais tawm ntawm pab tshis mus.*” ‘Nov Yog Vajtswv Txojlus’ (Cross-reference – 1 Xamuyees 2:10, Exekees 34; 17, 20, Xekhaliyas 14:5, Mathais 13:49; 16:27; 19:28; 28:19, 2 Kauleethaus 5:10, 1 Thexalaunikes3:13; 4:16, 2 Thexalaunikes1:7, Henplais 9:28, Yude 1:14, Tshwmsim 1:7)

Illustration “Sibcais”



Muaj ob kwvtij, ib tus ntseeg Vajtswv ib tus tsis ntseeg. Tus kwvtij tsis ntseeg muab nws tus kwv cais vim tus kwv yog tus ntseeg Vajtswv. Tus tijlaug haistias, “Kuv yuav coj kev dabqhua, coj li pojkoob yawmtxiv ibtxwm coj vim kuv yog Hmoob. Thaum kawg kuv thiaj li mus caum cuag kuv niam kuv txiv thiaj li tau noj tau haus tsis tshaib tsis nqhis.” Tus kwv haistias, “Kuv ntseeg Yexus vim nws yog kuv tus Cawmseej. Yexus los tuag theej kuv txojkev txhaum. Tus uas ntseeg nws yuav tsis tuag tiamsis tau txojisia ntev

dhawv mus ibtxhis. Kuv txojkev cia siab rau ntawm Yexus, thaum kawg kuv yuav tau mus nrog nws nyob saum ntuj ceebtsheej kajsia lug.” Vim ob txojkev ntseeg nyias txawv nyias, tus tij muab tus kwv cais vim tus kwv tsis kam nrog tus tij hawm txog nws tej kev dabqhua ua rau pojkoob yawmtxiv. Thaum kawg, txojkev no yuav muab nkawd sibcais, sibfaib txawm nkawv yog ibplab los nyias yuav taug nyias txojkev raws li nyias txojkev ntseeg.

- I. Cov kwvtij hlub thiab movtshua, thaum Yexus hais txog zajlus pivtxwv ntawm tus tshis thiab tus yaj yog Yexus hais txog txojkev thaum lub ntiajteb kawg uas Vajtswv yuav los txiavtxim rau tibneeg ntiajteb. Vajtswv yuav muab sawvdaws cais ntawm cov ntseeg thiab cov tsis ntseeg.

(Show the difference between goat and sheep)




Thaum Vajtswv los nws yuav los muab sawvdaws cais ntawm “cov ntseeg – yog piv txog cov yaj” thiab “cov tsis ntseeg – yog piv txog tus tshis.” Peb ua neej nyob thaum peb hnov Txojmoozoo lawm, peb puas yuav ua cov tibneeg ncajnrees txog thaum Vajtswv los. Nws yuav hu peb mus nyob ntawm nws sabxis uas yog cov tau txojisia mus ibtxhis losyog peb yuav uas cov tsis ncajnrees es mus

nyob ntawm nws sablaug uas yog mus nyob rau ntujtawg teb, nyob tsausntuj nti hluavtaws kublug thiab tom niav quajqws tshee nhyo? (Show fallen to hell)



Peb yeej pom ntsoov niajnhub no tias peb cov txheeb cov ze, ib cov yuav tau mus nyob rau ntujtawg teb yog lawv tsis los ntseeg thiab txais yuav Yexus Khetos los ua lawv tus Cawmseej. Tsis hais cov tsis ntseeg Vajtswv xwb, cov uas ntseeg los lawv tsuas lam ntseeg ntawm ncauj xwb hauv lawv lub siab twb tsis ntseeg tseeb. Kev ua Vajtswv tes dejnum twb tsis ua, kev hlub kwvtij zejzrog twb tsis muaj. Thaum pawgntseeg muaj homphiaj kom pab dejnum nyiajtxiag los twb tsis pab. Tus tau lajkam zoo ua muaj nyiaj muaj txiaj ntau twb tsis tso nyiaj npaum li tus

tsis muaj lajkam zoo ua. Tus xav haistias yuav hlub tau kwvtij zejzrog heevduas, tiamsis tus ntawd twb tsis hlub kwvtij zejzrog li. (Show Matthew 25:35-36)



Nyob rau peb Txojmoozoo sau haistias, “For I was hungry and you gave me food, I was thirsty and you gave me drink, I was a stranger and you welcomed me, I was naked and you clothed me, I was sick and you visited me, I was in prison and you came to me – *Thaum kuv tshaib plab, thiab nej pub mov kuv noj, thaum kuv nqhis dej thiab nej pub dej rau kuv haus, thaum kuv tuaj ua qhua, nej hu kuv los*

*hauv nej tsev, thaum kuv tsis muaj ris tsho hnav, thiab nej muab rau kuv hnav, thaum kuv muaj mob thiab nej tuaj saib kuv, thaum kuv raug kaw rau hauv tsev lojcuaj thiab nej tuaj saib kuv.* (Mathais 25:35-36). Cov no yog cov paub hlub kwvtij zejzrog thiab mobsiab ua Vajtswv tes dejnum.

(Show whatever you do for the least)



Thaum koj ua li no rau cov kwvtij zejzrog lawm, Vajtswv yuav teb koj haistias, **Vs. 40**, ‘Truly, I say to you, as you did it to one of the least of these my brothers, you did it to me – *Kuv qhia tseeb rau nej haistias, thaum uas nej tau pab kuv cov kwvtij no ib tug, txawm yog tus ntawd muaj hwjchim yau dua cov los nej tseem pab nws thiab, qhov uas nej pab tus ntawd, twb yog nej pab kuv ntag!*’ Vajtswv txojlus qhia rau peb haistias, yog thaum twg peb ua zoo rau ib tug twg ces twb yog peb ua rau Vajtswv lawm. Nej puas tau ua zoo rau ib tug twg? Peb tibneeg ntiatjeb muaj kev xamkhib hauv tibneeg lub siab. Yog thaum twg tibneeg ua ib

yam dabtsi pab ib tug twg ces nws xav kom lwm tus qhuas nws losyog kom tus ntawd yuavtsum ua ibyam dabtsi rov rau nws. Yog koj ua li no, puas yog koj ua los ntawm nploosiab dawbpaug rau Vajtswv tau koobmeej losyog koj lam ua kom koj tau ntsej tau muag ntawm tibneeg xwb?


II. Yog koj tsis ceevfaj nyobtsam yam uas koj ua ntawd, thaum kawg Vajtswv yuav muab koj cais ntawm cov ncajnnees. Yog koj tsis ua tibzoo muaj siab dawb siabzoo, siab ncaj siab nnees, nyob tsam koj xav haistias, koj ua zoo lawm tiamsis thaum kawg koj ho tsis tau mus saum ntuj ceebtsheej.

(Show family separation)



Ib tsevneeg yuav raug muab sib cais thaum Vajtswv rov los txiavtxim rau lub ntiatjeb no yog sawvdaws tsis mob siab mloog thiab ua raws li Vajtswv Txojlus. Tus txiv, tus niam, nrog rau cov menyuum yuav raug sib cais. Ibtug yuav mus nyob rau ntujtawg, ibtug yuav mus nyob rau ntuj ceebtsheej. Cov kwvtij, peb ua neej nyob, peb puas xav kom peb sawvdaws tau mus nyob ib qhov chaw kajsiaib lug kom sawvdaws tsuas muaj luag ntxwbntxhis thiab tau kev haumxeeb mus ibtxhis. Yog koj xav tau tej no ces thaum koj tseem ua neej nyob koj yuavtsum

txhawb kom koj tej menyuum nrog rau koj tus niam tus txiv kom mobsiab mloog thiab ua li Vajtswv Txojlus. (Show Matthew 25:42-43)



Peb tsis txhob ua li cov tibneeg nyob rau zajlus pivtxwv haistias, **Vs. 41-43** “Then he will say to those on his left, ‘Depart from me, you cursed, into the eternal fire prepared for the devil and his angels. For I was hungry and you gave me no food, I was thirsty and you gave me no drink, I was a stranger and you did not welcome me, naked and you did not clothe me, sick and in prison and you did not visit me – *Ces nws yuav hais rau cov nyob sab laug, 'Cia li khiav ntawm kuv mus, nej raug foom tsis zoo, cia li*

*mus rau hauv lub cubtawg uas twb npaj tseg rau dabntxwngnyoog thiab nws cov timtswv mus nyob lawm! Thaum kuv tshaib plab thiab nej tsis pub mov rau kuv noj, thaum kuv nqhis dej thiab nej tsis pub dej rau kuv haus, thaum kuv tuaj ua qhua thiab nej tsis hu kuv los hauv nej tsev. Thaum kuv tsis muaj ris tsho hnav thiab nej tsis muab rau kuv hnav, thaum kuv muaj mob thiab raug kaw rau hauv tsev lojcuaj thiab nej tsis tuaj tu thiab saib kuv.’* Thaum nej tseem ua neej nyob nej twb tsis ua tej no rau Vajtswv haijneeg, thaum kawg, Vajtswv yuav teb rau nej haistias, “Truly I tell you, whatever you did not do for one of the least of these, you did not do for me.” “Then they will go away to eternal punishment, but the righteous to eternal life – *Kuv qhia tseeb rau nej haistias, yam uas nej tsis ua rau tus uas yau dua no, ces yog nej tsis ua rau kuv ntag. 'Ces cov no yuav raug koj mus txiav txim mus ibtxhis, tiamsis cov tibneeg ncajnrees tau txojhia mus ibtxhis.’* (Mathais 25:45-46). **(Show I like to help, but I don’t have any cash)**



Tibneeg coobleej ntau tug xav haistias, lawv ua zoo kawg lawm tiamsis peb yog tibneeg ntiajteb peb yeej ua tsis tau raws li Vajtswv lub siab nyiam li. Los ntawm txoj kev txhaum, peb niajnub niajhmoo raug txojkev dagntxias. Peb mus txog tom tej kiab tej khw, peb pom cov tibneeg thov nyiaj mus pab rau cov tibneeg txomnyem los peb twb tsis pub ib duaslax. Peb pom tus tibneeg tuagtes tuagtag losyog tus tibneeg digmuag thov nyiaj kom pab mentsis rau nws los peb twb tsis cev ib npib rau nws. Ntau tus tibneeg ntseeg Vajtswv muaj los nws dag teb haistias, “I’d like to help but I don’t have any cash – *Kuv xav pab tiamsis kuv tsis*

*muaj nyiaj.’* Tej no ntag lauj, yog Vajtswv qhia kom peb paub hlub tibneeg ntiajteb uas yog pab peb cov kwvtij zejzog. Cov kwvtij hlub thiab movtshua, tej zaum nej yuav xav haistias, “Ua li cas xibhwb yuav hais li ntawd, peb twb tsis muaj pab peb tus kheej es peb yuav ua li cas pab tau lwm tus – losyog nej ibtxhia yuav haistias, xibhwb hais yog lawm, ntau zaug peb twb yog tus muaj, muaj vajtsev nyob, muaj lajkam ua, ua li cas peb ho tsis pab tus txomnyem?”


III. Cov kwvtij, Vajtswv Txojlus qhia rau peb kom peb txawj hlub lwm tus, thaum peb ua ib qhov zoo rau lwmtus ces twb yog peb ua rau Vajtswv lawm. **(Show parable of the sheep and the goats)**



Peb yuav ua li Yexus zajlus pivtxwv tias peb yog tus yaj uas yog tus pab tus tshaib, tus pluag, tus txomnyem, tus muaj mob, thiab mus saib tus raug kaw tom tsev lojcuaj. Cia peb tsis txhob ua li tus tshis uas yog tus tsis pab rau tus tshaib, tus pluag, tus txomnyem, tus muaj mob, thiab tsis mus saib tus raug kaw tom tsev lojcuaj – nov yog tus tsis muaj kev hlub thiab tus tsis ua rau Vajtswv. **(Show Inherit the Kingdom of God)**




Peb yeej yuav ua tau, vim peb yog Vajtswv pab yaj zoo. Thaum Vajtswv rov los nws yuav muab peb koj mus nyob rau hauv nws lub vajloog thiab hais rau peb haistias, **Vs. 34** ‘Come, you who are blessed by my Father, inherit the kingdom prepared for you from the foundation of the world – *Nej cov uas tau kuv Txiv txoj koobhmoo, nej cia li los kav lub tebchaws uas twb npaj rau nej thaum tsim lub ntiajteb los lawm.’* **(Show the Pilgrim Progress)**



Zaj dabneeg “The Pilgrim Progress” sau los ntawm Paul Bunyan qhia txog tus ntseeg hu ua Christian. Thaum nws ua neej nyob nws tau ua npausuav taug txojkev mus rau Vajtswv lub tebchaws uas yog ntuj ceeb tsheej. Thaum nws pib mus, muaj kev dagntxias thiab kev cuamtshuam ntau yam kawg nkaus los ua lub nras nhyav heev rau nws ris. Nws tus pojniam nrog nws tiamsis nws cov tub thim rov qab lawm. Nws tej txheeb tej ze, thim rov qab vim txojkev ntawd nyuaj kawg nkaus rau lawv. Tiamsis nws ua siab loj nyiaj tej kev ntawd kom dhau. Thaum kawg nws thiaj tau lub kausmom kub uas yog txojkia ntev dhawv mus ibtxhis. Zaj

dabneeg no qhia txog txojkev uas Vajtswv yuav muab sawvdaws cais, yog koj tsis ua siab ntev nyiaj txojkev ua neej rau ntawm Vajtswv tiag, thaum kawg koj yuav raug cais ntawm cov uas koj hlub thiab movtshua. (Show Jesus miracles)



Yexus txojkev hlub uas nws tau pab lwm tus zoo li cas rau peb xyaum. Thaum nws pib nws tes dejnum, nws hlub cov txomnyem, nws kho tus digmuag, kho tus muaj mob, pub mov rau 5000 leej noj, ntiab dab, tsa tus tuag sawv rov los muaj sia thiab ntau yam txujci thiab ua txhua yam kom peb rov muaj kev sibraug zoo rau ntawm Vajtswv. Yexus ua txhua yam mus rau ntawm tus ntoo khaublig uas yog tuag theej peb txoj kev txhuam kom Vajtswv pom haistias, Yexus ua tiav lawm. Tus uas ntseeg Vajtswv tus Tub, tus ntawd thiaj li yog tus tibneeg ncajnnees, tus ntawd yuav tsis raug muab cais tiamsis muaj feem mus tau Vajtswv lub tebchaws ntuj ceebtsheej thiab tau txojkia mus ibtxhis. (Show Matthew 25:32)



Thaum Vajtswv rov los, peb yuav tsis raug muab cais vim thaum peb tseem ua neej nyob, peb mloog nws lus. Vajntsujplig Dawbhuv pab coj peb txoj hauvkev kom peb ua tau li Vajtswv lub siab nyiam uas yog txawj pab tus tshaib, tus pluag, tus txomnyem, tus muaj mob, thiab mus saib tus raug kaw tom tsev lojcuj. Thaum kawg peb yuav tsis raug cais ntawm Vajtswv lub zwmtxwv zoo li cov tshis tiamsis yog cov yaj zoo uas yog tau txojkia mus ibtxhis los ntawm Vajtswv txojkev hlub, txojkev zamtxim thiab nws txoj koobhmoov mus ibtxhis thiab ibxhis. Asmees.

Thov kom Vajtswv Txojlus pub ray peb sawvdaws totaub thiab tau nyob kajsiab lug rau ntawm Tswv Yexus Khetos lub npe. Peb txhua tus uas yog Vajtswv cov menyuum peb sawvdaws hais: Asmees.